

Mi j'sus qu'un rigolo, un wèpe du 8-0 !

Din toutes chés soérées, peut qu'mantcher,

A peine j'sus-t-arrivé, chés fius sont pliès,

Oh, pi chés filles !

Seur, j'les foais rigoler, mais point eune

qui pinsroait...

A m'donner un bout d'sin tchoeur

Toudi boin qu'à foaire el'zozo,

Mi j'sus juste qu'un rigolo

L'grind amour... rbèe ailleurs !

Mi j'sus qu'un rigolo, un wèpe du 8-0,

Pi din toutes mes ramintuveries,

Quand j'foais des discours,

Rimplis d'mots d'amour,

Meume chol vaque al rit !

Du coeup j'ai tout mantchè,

J'n'ai jamoais tatchinè

Eune mutoéle o eune seuris !

Pis quante j'm'in vos défuncter,

J'srai coér lo à m'laminter,

El belle vie... vit sans mi ! 'coute cho...

Aïe... Chl'amour mie pour mi !

Oui min fiu, ni l'matin ni l'midi,

Ni l'lundi ou l'sinmdi !

Aaaaa... cht'eure j'sus tout rfroédi,

Vingt diux, mi j'n'in vodroais

Eune, qu'ale s'roait plus à mi

Qu'à zz'eutes, nom des eus !

Pi j'li cantroais ! Pour elle seulmint

Toutes mes canchons,

Canchons d'imbleyeux,

Canchons de d'grind fléyeux (Qu'al font) :

Biloute, quante cha flotte, mets des bottes !

Aïe.... Chl'amour mie pour mi,

Oui min fiu ! Ni dins l'cour, ni ch'gardin

Ni au soér ni l'matin...

Ni l'lundi ni l'sinmdi,

Jamoais chés diminches...

Ni quant il pleut, edssous ch'solé,

Jamoais d'tindreche , oh peut qu'mantcher !

Humala, bebuhla...

Arfrin

Pi j'li cantroais pour elle seulmint

Toutes mes canchons

Alors al sroait pour mi,

Ah oui, ah oui, al sroait pour mi :

Min bieu tchot reuve

Em tchiote folie

Em douche mitan

Min safari

Min tchot bout d'chuque

Min tchot pigeon

Min clair éd leune

Min coeup d'cotron !

Mi j'comprends point

A coeuse ed quoè

I n'o point eune

Qu'al veuche m'aimer.

Feut qu'ej foaiche quoè ?

J'nin sais mie rien

Dev'nir bouhiste ?

Minger du tchien

Chuis point l'plus moche

Chuis point l'plus bête

Tout simplémint

Feudrait pétète

Feudrait seulemint

Qu'j'arrête ed voter à droète !

EI RIGOLO

*Adaptation : Jean Caron
Sur l'air de Just a Gigolo*